

اوارده ده — بر جوق آهونه لر کچن صاییده
پیتدی. بر جوقه لر ده بو صاییده پیتور. تورک
پوردی. نك منتظماً گوندریله سی آرزوایدیلیرسه
آهونه لرینی بکلیتمه لرینی رجا ایدرز.

تورک پوردی

ناشری : تورک پوردی

مدیری : آق چوره اوغلی یوسف

۱۲۳۱ صای ۱۹ ²⁰ ۳ کانون اول ۱۳۳۱ میل ۵ جلد ۹ صای ۹۸

د پلمیز

بیلکی، بیل، بیلک

- تورک بیلکی درنکی لغات انجمنه -

بشی بیل ۰ - جلد ۹ - صافی ۷ ده در

«بیلک» عموماً آذریلرده وقازانیلرده و «بیلک» صورتندده اوزبکلرده - اورته آسیا تورکلرند - قوللانلقدده در [۱]. بونک اشتقاقی جهته کلنجه: قیلیم مصدرندن «قیلیم»، توزومک (تنظیم) مصدرندن «توزوک» [توزوکات تیموری و توزوک باری کی] سیلمک مصدرندن «سیلیک»، دلمک مصدرندن «دلیک»، دشمک مصدرندن «دشیک»، قیرمق مصدرندن «قیریق»... الخ نه ایسه، بوده اودر. «قوداتقو بیلیک» دنده اویغورجه ده دخی «علم» ک مقابلی «بیلک» اولدیغی قولایجسه آکلایوروز. واسی «ایشل» [۲] بولغارلری «نک ده علملریته» «بیلکوار» (بیلکی وار) دیدکاریغی لسان تاریخنده اوقویوروز.

••

«بل-بیل» جذرنندن مشتق اولدیغی محقق اولان و تورک شیوه لرینک عمومی نظر اعتباره آلیندیغی تقدیرده عین قوتده زنده لکه مالک بولسان شو اوچ کله شبهه یوق که بزم ایچون غایت قیمتداردر. و شبهه یوق که عموم تورک دنیاسی طرفندن قبوله شاباندر. چونکه هر اوچینک همان بوتون تورک لهجه لرند - عمومی صورتده حکم سورن قاعده لر ایله تشکل ایشدیگنی کوریوروز. ظن ایدرم که بونک بویله اولدیغی اثبات ایدلمش کی اولدی.

ایشته شو اوچ کله بی معطل براقمامق، شیمدی به قدر یا شامشکن دها

[۱] «لغت چغتای و ترکی» ثمانی، صاحب شیخ سلیمان افندی «بیلک» کلمسی حقنده: «علم، دانش، فهم، مهارت، درایت، وقوف، معلومات، نشان، طالع» دیور...

[۲] (ایشل - ایدیل: دولا نهری).

باشتمق و فقط یاشایشاریخی ایی تأمین ایتک ایچون اش معنایاقدن «مترادفلکدن»
جیقارمق ، بشقه بشقه معنالرده قوللانمق خصوصنده سوکیلی ابتادلریمه ،
تورککلکک پیشوالرینه و هالحاصه «تورک بیلکی درنکی لغت انجمنی» نه عاجزانه
بر استرحامده بولنمق ایستیورم.

دیل ، بر اجتماعی حادثه در. اجتماعی حادثه لر اوزرنده دیله کارک ، آرزولرک
بر قسم تأثیری اوله بیلیرسه ده ، البته تام بر استقلاللری بوقدر. بن بونی ، پک
ای دکلسه بیله ، بیلپیورم. مع مافیله شودیله کمی عرض ایتمکدن کنیدی آلامیورم.
چونکه بن بوراده آرزو و دیله کلردن دهـا بویوک ـ و بیلکه ده اونلرک آناـی
اولانـ دیگر بر حامل ، و احتیاج مسئله سی ـ فی کوریورم.

علمه آزیجق انتسابی اولان هر کسه بلاید رکه : معلومات بشریه یی اوج درجه یه
آیریورلر : معلومات عامیانه ، معلومات عالمانه ، معلومات حکیمانه . بونلری
بویله تعریف ایتدم. کیفی بر تعریفدر. فلسفه خواجه لرینک ، ادیبلرک ، محررلرک ده
بو خصوصده هپسینک خصوصی اصطلاحلری وار. لکن آکلاشیلان بر در.
تعبیرلرینک اصلیده همان عینی اولوب عربجه در . بنده شو ایکی شرطه رعایت
ایدـرک ـ طبعیدرکه استحقاق اولمادینی حالده ـ بو تعبیرلری قوللاندم .

مقاله مه موضوع ایتدیکم شو بیلم ، بیلکی ، بیلک کله لرینی مذکور
اوج درجه معلومات بشریه یه اصطلاح اوله رق تعیین ایتک مسئله سنی عرض
ایدپیورم. بونلردن هانکی سنی هانکی درجه معلوماته اصطلاح ایدـ بیلیمک مسئله سی
تمامیله دکلسه بیله ، بر چوق جهندن لغات انجمننه تانددر. مع مافیله بکالیرسه :
بلم ـ معلومات عامیانه ، بیلکی ـ معلومات عالمانه ، بیایک ـ معلومات فیلسوفانه یرنده
قوللانلق دهـا اویغون کبی کلیور . اشتقاق قاعده سنده برله شدکاری شریکلرینک
افاده لرینه دقت ایدیلیرسه ، احتمال که هر کسه بویله کله بیلیر.

بویوک بر استاد ، دیل مسئله لری مذاکره ایدیلیرکن لغات و اصطلاحلرک
قبول و تعممی ایچون اک بویوک حامل « موانست ـ آلیشوق » اولدیغنی ذکر
ایدپیوردی. بو فکرک بر قیمت نسبیه سی اولدیغنی « دیل مسئله لری » ایله آزچوق
اوغراشانلره بللی اولدیغنی ایچون ، استرحامک بوسبوتون یولسز اولمادیغنی ظن

